

# Vojne fabrike iz BiH potražuju 11 miliona dolara

Četiri proizvođača oružja i vojne opreme iz Bosne i Hercegovine potražuju od fabrike *Đuro Đaković* iz Slavenskog Broda više od 11 miliona dolara za dijelove ugrađene u 150 tenkova M-84, koji su do marta 1992. godine isporučeni Kuvajtu.

Hrvatska fabrika, međutim, ni 13 godina kasnije ne pokazuje želju da isplati *Bratstvo* iz Novog Travnika (BNT), *Famos - Koran* sa Pala, sarajevski *Zrak*, te *Rudi Čajavec* iz Banje Luke, čije su topovske cijevi, motori, transmisije, mjenjači, optika i elektronika bili ugrađeni u tenkove za Kuvajt.

## Ključni dijelovi iz BiH

Bivša SFRJ je 1989. godine sklopila posao sa kuvajtskom vladom o isporuci 200 tada najsavremenijih tenkova iz arsenala JNA, koji su uredno plaćeni. Posao je ugovoren preko beogradskog *Jugoimporta*, odnosno SDPR, a tenkovi u čijoj izradi je sudjelovalo 50 firmi iz bivše države su sklapani u Slavenskom Brodu. Hrvatska je do pred sami početak agresije na BiH uspjela isporučiti 150 tenkova, od kojih su neki radi ispunjenja poslovnih obaveza bili povučeni sa slavenskog ratišta. *Đuro Đaković* je dobio novac, ali je "zaboravio" isplatiti dobavljače ključnih dijelova za tenkove.

Pomoćnik ministra odbrane Federacije BiH **Munib Tahirović** potvrdio je za *Oslobođenje* navedene informacije te najavio da će nadzornim odborima BNT i *Zraka* naložiti da pred Međunarodnim sudom ili pravosuđem u RH podignu tužbu protiv *Đure Đakovića* -Specijalna vozila iz Slavenskog Broda. Prema Tahirovićevim informacijama, BNT potražuje od *Đure Đakovića* 2,5 miliona dolara, dok *Zrak* polaže pravo na 800 hiljada dolara. Naravno, radi se o osnovici duga bez zateznih kamata koje ga višestruko uvećavaju.

Pojedini hrvatski listovi ovih dana najavljuju mogućnost tužbi iz BiH, ali i uporednog vođenja diplo-

## Kuvajćani nudili posao sa tenkovima

Mandžuka tvrdi da su Kuvajćani nudili *Famosu* da preuzme vođeu ulogu u isporuci preostalih 50 tenkova iz ugovora sa SFRJ, ali bh. država nije bila zainteresirana da stane iza ovog posla.

Osim toga Kuvajćani su bili raspoloženi da sa BiH ugovore posao oko održavanja tenkova, kaže Mandžuka i dodaje kako je i ovaj poslovni prijedlog propao.



Tenk M-84 bio je jugoslovenski proizvod

## Beogradski SDPR duguje BiH 330 miliona eura

Vojna industrija iz Bosne i Hercegovine potražuje od beogradskog SDPR-a 330 miliona eura na ime predratnih poslova sa inostranstvom. Tako SDPR duguje vogošćanskom *Pretisu* 120 miliona dolara, dok BNT polaže pravo na 56 miliona dolara iz Beograda, tvrdi Mandžuka.

matskih pregovora radi naplate duga od 11 miliona dolara. Tahirović, međutim, tvrdi kako se BiH neće upuštati u diplomatske pregovore.

Direktor BNT-ove tvornice ma-

šina i hidraulike **Abaz Mandžuka** objašnjava za naš list da vojne fabrike u BiH nemaju novca kojim bi platile tužbu, te da bi bilo nerazumno od FMO da vojnim fabrikama nalaže da vode skupe sudske sporove. Osim toga, Mandžuka navodi da u klauzuli ugovora sa *Đurom Đakovićem* ne stoji da će eventualne sporove rješavati Međunarodni sud.

## Skupi spor

Prema njegovom mišljenju, problem navedenog duga može se riješiti politički između BiH i RH, ali to zahtijeva uključivanje FMO i Predsjedništva BiH u ovaj slučaj.

Međutim, Mandžuka tvrdi da državnim i federalnim institucijama u BiH ne odgovara da se ovi, ali i ostala potraživanja vojnih fabrika u zemlji naplate.

Az. KALAMUJIĆ